

Hawfwen Bouxcuengh Lungzlinz

□ Maj Veiungz comz hoiz



▲ Bang nyeziq ndeu caemh camgya hawfwen doxdax.



▲ Sing fwen goksa haprwenz.

◀ Ciengzmienh hawfwen nauhyied hungloet.



▲ Mbauqsau biujyienj fung-sug aemqbawx Bouxcuengh.



▲ Baijyienj doiq fwen gyauyoux.



▲ Dahniq eu fwen sing sepset.



▲ Baijyienj doiq fwen angqhoh.

Hawfwen Bouxcuengh Lungzlinz, gwnzbiengz heuhguh hawfwen “deng lo deng lo na”, dwg cungj hozdung bouxcuengh Lungzlinz Gak Cuz Swciyen guh-angq caeuq doxgyau ciengzseiz banh. Gij hawfwen daeuz youq Lungzlinz, youq gij mbanj Bouxcuengh caeuq Bouxyaiej henz hamq Dahnamzbuenz hwnj riuz raixcaix. De daj Bwzsung couh fat hwnjdaej lo, daengz Mingz-ciuz engq hwnjvuenh. Bi 2010, hawfwen Bouxcuengh Lungzlinz ndaej senj haeuj buek daihsam swcigih gaep feihvuzciz vwnzva yizcanj mingzloeg.

Hawfwen “deng lo deng lo na” miz lai cungj hingzsiq, faen baenz sam cungj, lumjbaenz hawfwen doxgyau, hawfwen doxaeu caeuq hawfwen goenghoh. Hawfwen doxgyau dwg eu fwen haenh gij dieg gyaundeil lai, hawfwen doxaeu cix dwg eu fwen okhaq nem fwen aeubawx, hawfwen goenghoh couh-dwg eu fwen hoh haeuj ranzmoq caeuq fwen hohlaej. Hawfwen youz ndawranz youq ranzding, gyanghongh roxnaeuz henz feizgiengz banh. Itbuen daengz banhaemh cij hainduj, youz goengcawjgya daej dingh gij seiz he dwg nanz roxnaeuz dinj. Doiqfwen dwg bouxsai caeuq mehmbwk doxdoiq, cei noix mbiengj

aeu miz song boux vunz; caemhcaiq youz vunzlaux bae guenj, bouxlawz cungj mbouj ndaej saetlaex. Doiq-fwen faen bouxcawj eu nem bouxhek eu. Itbuen bouxcawj eu fwen doxiu gonq, bouxhek hoizdap le cix hawj hek eu gonq, bouxcawj cix hoizdap. Bouxhek gangj cingcuj vihmaz daej, caiq ciuq gij ciengqfap cienzdoengj eu hwnjdaej. Gij diuhfwen cungj heuhguh “diuh Dahnamzbuenz”, youh faen miz diuhraez, diuhdinj, song cungj diuh neix gak mbouj doxdoengz. Diuh “deng lo deng lo na” dwg fwen lwnh saeh, aeu ma gangjgoj lai, dwg diuhraez; diuh “aeyo youx ae youx” cix dwg fwenyoux yienh’ok cingzgyaenz haenx,

dwg diuhdinj. Song mbiengj cungj gig yawjnaek diuhdinj. Gyoengqde doxhaenh gonq riengzlaeng doxdamq cingzeiq, couh lumj diuz mae’nding ndeu daj gyauej daengz rieng cungj yien gij gamjcingz songde hwnjdaej. Hawfwen yaek sat lo, hoeng diuhdinj doiqfwen vanzlij mbouj dingz mbouj duenh, cungj mbouj sij sat. Diuhraez caeuq diuhdinj doxgap doxriengz, seiz sang seiz daemq, hawj vunz simmaez.

Hawfwen Bouxcuengh Lungzlinz daj doenghbaez riuzcienz roengz-daej, de dwg gij coengmingz ciuhgeq raeuz, caemh dwg gij dijbaui raeuz wngdang mbouj dingz cienzciep roengzbae haenx. Moix bi liggaeuq sam nyied cosam, Bouxcuengh Lungzlinz cungj daenj gij buhvaq minzcuz haenx, sim’ angq eu fwen bae hoh “sam nyied sam”. Yienh-cienz vunz lai vunz daih, gyoengq hek caeuq baengzyoux doxcomz youq gizhaenx, ciengzmienh gig nauhyied. Geijlai bi gvaqdaej lo, gij gveihmoz hawfwen Bouxcuengh Lungzlinz neix yied fat yied hung, yied daej yied hoengh, daengz seizneix couh bienq-baenz gij vwnzva hozdung Gvangjsih、Yinznanz、Gveicouh sam aen sengj gak aen minzcuz doxaeuq.



▲ Fwencuengh haeuj hagdanz, lauxsae hagseng angq lienh fwen.



▲ Doiq fwen haenqhwd sing mbouj daengx.

► Vunzlai comzhumx dingq fwen.

